



孫子集成

郭化若題

齊魯書社



謝祥皓
劉申寧
輯

爲本書的編纂工作提供支持與幫助的單位

主要有：

山東省惠民縣人民政府

山東社會科學院儒學所、歷史所、圖書館

曲阜師範大學孔子研究所

中國人民解放軍軍事科學院

上海圖書館

山東省圖書館

上海辭書出版社圖書館

復旦大學圖書館

四川省圖書館

重慶圖書館

湖北省圖書館

孫子書校解引類序

自軒轅以來譚兵者無慮百八十餘家迨有宋元豐定其書爲七以孫子爲前茅云太史公立傳謂闔廬西破疆秦入郢北威齊晉顯名諸侯孫子與有力焉攷其紀載訓宮嬪申要束左右

前後皆中規矩繩墨其他軼事
不少概見此其故難言之矣上
谷濱夷士競於武是書固枕藉
觀之然未能了其大義大中丞
汪公文武並用導之儀的木而
加鏤焉蓋溫陵趙建郁氏所校
解引類者也指事類情實以合

法之名將變生如掣電妙應若
走丸殆兵家之率然矣得其解
者以變合法以法合變剖破神
智之藏必有慨然請纓韓白其
人焉豈快心於狼望之北哉銷
之於微而剪之於著亦聊以固
吾圉也世儒闇於大較猥云桓

文之節制不如湯武之仁義竊
竊然譏其上執利而貴變詐夫
兵制成周大備孫子去周末遠
必嘗聞其緒論乃觀周禮師旅
一事設其財於九式離其書於
儀禮特闕其兵馬之職屢易其
軍伍之名變化出入使民不知

是藏吾用而慮甚微也迂直利
患批亢擣虛何獨非周禮之遺
乎况三五而上咸祖仁義春秋
而下漸驚權謀抑又時之使然
也今十三篇具在自作戰以迄
用間誠藏智匿巧神設鬼施茫
然莫可窮詰若始計有曰未戰

而廟算勝者得算多也豈直兵
家言哉昔藝文志謂孫子兵法
八十一篇杜牧亦謂其書數十
萬言魏武削其繁剩筆其精粹
以成此書固已披沙見寶時逢
壯采後有作者弗可及已今三
垂底定北虜稱藩雖有鯨革犀



兕疑無所用第款爲羈縻之計
戰爲經久之圖陳師鞠旅可泄
泄視之乎法曰以治待亂以靜
待譁以佚待勞以飽待饑待之
此其時矣不佞謬奉

簡書按茲宣雲重膺地方之責日恒
惕不寧請錢穀士馬城隍險隘

鹽屯火器鎧甲之屬搜弊剔蠹
期規萬世之利猶慮翫愒已久
終無以鼓其氣而作其謀則是
書實將士之司南所爲仰副
聖天子拊髀於是乎在不佞藉有榮
施多矣

萬曆甲寅春王正月

欽差閱視宣大邊務巡按直隸監察
御史東魯吳允中書



孫子集成

孫子言才角

月

五

重刻孫子書校解引類序

余既刻溫陵趙建郁所續韜鈴
內外篇則又刻其校解孫子孫
子於功令爲武經編首其短之
者謂未及於天子之兵天下之
勢而非之者爲驚於變詐權謀
建郁謂其不得已而用權謀也

猶其不得已而用兵則儒者諱
言之而文士闇於用兵左武自
尊又建郁所嗤而論著是書本
旨嗟乎儒者之効其於治身治
國天下治兵一耳方周之盛有
玁狁之伐則以吉甫而曰萬邦
爲憲有荆蠻之征則以方叔而

曰克壯其猶卽其下而免冒之
野其人木疆敦實莫不修身潔
行比於儒者而曰公侯好仇公
侯腹心故卿將無專任而文武
非別塗則儒者皆可以知兵而
俎豆之士皆可以戰彼其謂軍
旅未學而德化之不在用兵則

後儒藉以自護其短而建郁所
云保身之謀也建郁又稱引宋
事和戰之効其人君子小人殆
繩截刀解不佞所觀漢事薦紳
之守和親與介冑之言征伐兩
者持衡而班氏斷以望之所論
不合當時謂邊城不選將帥修

障隧厲長戟勁弩而徒割剝百姓以奉寇讐信甘言守空約而冀胡馬之不窺過矣蓋天生五材民並用之廢一不可誰能去兵孫子始計所先主孰有道其於談兵雖多權變固未失春秋以上人而建郁所證類其於古